

**Zeitschrift:** Bündner Schulblatt = Bollettino scolastico grigione = Fegl scolastic  
grischun

**Band:** 71 (2009)

**Heft:** 3: Teamteaching

**Rubrik:** Pagina Rumantscha

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 06.10.2024

**ETH-Bibliothek Zürich, E-Periodica, <https://www.e-periodica.ch>**

## TEAM TEACHING in ün oter möd

Las scoulas rumantschas e lur personas d'instrucziun as rechattan in üna situaziun tuottafat speciala. Üna cundiziun datta es nossa lingua d'instrucziun chi nu cugnuoscha quella diversità da mezs d'instrucziun sco in intschess linguistics plü gronds, sco per exaimpel il tudais-ch o l'inglais. Ün'otra cundiziun da basa es il nomer limità da personas d'instrucziun chi instruischan ils singuls roms in lingua rumantscha. Quai significha cha la lavur preparatorica per mincha singula persona d'instrucziun es blerun plü gronda co per la gronda part da la magistraglia svizra, impustüt quai chi pertocca material actual ed adattà als bsögns da nos temp. In consequenza han quellas personas d'instrucziun chi vöglian spordscher ün'instrucziun adequata da prestar immensas lavurs da preparaziun.

---

IN NOM DA LA SUPRATANZA DA LA CGL RETO LEHNER

Bleras personas d'instrucziun rivan pro lur lavurs da preparaziun svelta a limitas. Quai nu sun forsa limitas dal cuntgnü, ma bleras jadas limitas tecnicas o conceziunalas. La Conferenza Generala Ladina CGL ha creà ün agen concept per sustegner e promover lavurs dad ota qualità e gronda valur per noss uffants, ün concept chi's nomna «Cuors da magisters per magisters». Quist concept prevezza da trar a nüz ressursas da singulas personas d'instrucziun chi as radunan cun magistraglia interessada in quista plattafuorma suot il chapè da la CGL

Da quista sporta pon far adöver personas d'instrucziun da tuot la regiun Ladina. Ils cuors vegnan fats in quels lös d'ingionder chi derivan eir las plü bleras dumondas, uschè cha'ls participants dals cuors nu ston far gronds viadis per as participar als cuors. Important ed interessant es il fenomen cha la dumonda dirigia automaticamaing eir la sporta dals cuors. Sportas cun pacas annunzchas han lö be d'inrar, ma sportas da cuors cun bleras annunzchas pon gnir sports plüssas jadas.

In nossa prüma runda da cuors chi ha cumanzà in november 2008 as poja tscherner tanter 10 cuors sports da «profis»

interns. Ingün nu's nomna jent «profi», ma id es ün process important per nus tuots da nun esser massa modest, ma da trar la decisiun da vulair dar inavant aignas ressursas e finalmaing da's metter propi eir a disposiziun da manar uschè ün cuors.

In marcurdi passà am n'ha eu pudü participar ad ün cuors manà da Schimun Janett cul tema «Prodüer fögls da lavur cun PowerPoint ed Excel». Quai es stat ün cuors ourdvert infuormativ. Schimun ha pudü muosar als participants fich ingaschats ed interessats üna pruna trics e funcziuns da quists duos programs per tils trar a nüz ün ad ün in mincha stanza da scoula. Fingjà d'ürant il cuors ha mincha participant cumanzà a lavurar vi da seis agens fögls da lavur interactivs. Ün pêr resultats haja dat fingjà quel di e singuls resultats sun eir fingjà gnüts publichats...

### Publicaziun da lavurs

Ün seguond böt cha la CGL perseguitescha fingjà daspö duos ons es il barat plü frequent da fögls da lavur tanter la magistraglia. Sün la plattafuorma [www.unterrichtsmaterial.ch](http://www.unterrichtsmaterial.ch) vain nus pudü drizzar aint ün agen chapitel per fögls d'instrucziun rumantschs. Quel cumpiglia natüralmaing



